

## **HISTORIA DE ESPAÑA**

### **OPCIÓN A**

1. **Destes seis termos, elixe só catro e defíneos** (2 puntos, 0,50 por termo):  
(extensión máxima recomendada: 4 liñas por termo)

- Castro, Taifas, Antigo Réxime, Afrancesados, Caciquismo, Pactos da Moncloa.

2. **Explica a seguinte cuestión** (extensión máxima recomendada: unha cara de folio/30 liñas) (3 puntos):  
Escolle e responde só unha destas tres opcións:

- d) As crises baixomedievais
- e) A configuración do imperio español no século XVI
- f) As ideas fundamentais do pensamento ilustrado

3. **Composición histórica** (5 puntos):

Os seguintes textos deben permitirche facer unha redacción sobre o movemento obreiro no último terzo do século XIX. Tendo en conta os documentos e o seu contexto, debes atender cando menos ao proceso de consolidación das sociedades obreiras en España, á identificación das principais organizacións da época e á delimitación das súas diferenzas ideolóxicas e estratéxicas.

**Doc. 1. A AIT aos obreiros españois. Xenebra, 26 de decembro de 1868:**

“O pobo español expulsou a raíña Isabel; nós posuímos a convicción de que non sufrirá máis o restablecemento do realismo.

[...] Reivindicade por tanto as reformas que a revolución política por si soa é incapaz de producir para o ben do pobo; para o ben de todos. [...]

Irmáns de España:

Vinde, adherídevos en masa á nosa obra: que as vosas sociedades obreiras veñan afiliarse á nosa asociación, que as seccións da Internacional se funden e multipliquen en todas as vosas cidades, en todas as vosas aldeas. O porvir é voso”.

**Doc. 2. Proclama dirixida pola Comisión federal da Federación Rexional Española a todos os internacionais (Alcoi, 24 de febreiro de 1873):**

“[...] A base principal da revolución que anhelamos cremos que consiste na completa descentralización, ou mellor dito, na destrución total dos poderes autoritarios, eternos inimigos do progreso, da liberdade e da xustiza.

[...] É preciso ir adiante cara ao triunfo da Anarquía e do Colectivismo, é dicir, a destrución de todos os poderes autoritarios e dos monopolios de clase, onde NON HABERÁ NIN PAPAS, NIN REIS, NIN BURGUESES, NIN CURAS, NIN MILITARES, NIN AVOGADOS, NIN XUÍCES, NIN ESCRIBÁNS NIN POLÍTICOS: pero si unha libre federación universal de libres asociacións obreiras agrícolas e industriais [...].”

**Doc. 3. Estatutos da UXT, aprobados en Barcelona en 1888:**

“Artigo 1º. A Unión Xeral de Traballadores de España ten por obxecto: 1º. Reunir no seu seo as Sociedades, Federacións e Unións de Resistencia. 2º. Crear novas Seccións de oficio e constituílas en Federacións Nacionais. 3º. Mellorar as condicións de traballo. 4º. Manter estreitas relacións coas organizacións obreiras dos demais países que persigan o mesmo fin ca esta Unión, e practicar con elas, sempre que sexa posible, o principio da solidariedade.

Artigo 2º. A Unión Xeral de Traballadores de España propónse realizar o seu obxecto apelando á folga ben organizada e solicitando dos Poderes públicos cantas leis favorezan os intereses do traballo, tales como a xornada legal de oito horas, fixación dun salario mínimo, igualdade de salario para os obreiros dun e outro sexo, etc. [...].”